

MUHAMMAD (S.A.W.W) MTUME WA MWISHO

<"xml encoding="UTF-8?">

BISMILAHİ RAHMANİ RAHIYMI

KWA JINA LA MWENYEEZI MUNGU MWINGI WA REHEMA MWENYE KUREHEMU

.MTUME MUHAMAD (S.A.W.W) NI MTUME WA MWISHO.3

-(Mtume Muhammad (s.a.w.w) ni mwisho wa Mitume yote, kama anavyosema Allah (s.w

مَا كَانَ مُحَمَّدٌ أَبَا أَحَدٍ مِّن رِّجَالِكُمْ وَلَكِن رَّسُولَ اللَّهِ وَخَاتَمَ النَّبِيِّينَ وَكَانَ اللَّهُ بِكُلِّ شَيْءٍ عَلِيمًا[1]

Muhammad si baba wa yeyote katika wanaume wenu, bali ni Mtume wa Mwenyezi Mungu na
.Mwisho wa Manabii, na Mwenyezi Mungu ni Mjuzi wa kila kitu

.Khaataman Nabiyyiin, maana yake mwisho wa Mitume*

Na inaonesha ukamilifu wa Mtume huyo, na Mtume wa mwisho ni yule ambaye anabakia kuwa
mkamilifu hadi siku ya Kiama, na hakuna Mtume mwengine yoyote atakayekuja baada yake. Na
hii ni kwa sababu akili inakubali kufuata kile kilicho bora na kikamilifu zaidi. Na vile vile Mtume
wa mwisho ni yule ambaye ni m-bora zaidi kuliko wengine, kwa sababu Yeye ni mwenye
kuchukua ujumbe wa dini iliyo kamilifu, na natija ya hayo ni kwamba dini ya kiislamu ni dini
kamilifu zaidi, na Mtume Muhammad (s.a.w.w) ni m-bora wa Mitume yote ya Mwenyeezi
--:Mungu, kama tunavyosoma ndani ya Qur-ani

هُوَ الَّذِي أَرْسَلَ رَسُولَهُ بِالْهُدَىٰ وَدِينِ الْحَقِّ لِيُظْهِرَهُ عَلَى الدِّينِ كُلِّهِ وَلَوْ كَرِهَ الْمُشْرِكُونَ[2]

Yeye ndiye aliye mtuma Mtume wake kwa uwongofu na Dini ya Haki ipate kushinda dini zote,
.ijapo kuwa washirikina watachukia

.MTUME (S.A.W.W) ANA CHEO CHA KUWA YUKO KARIBU ZAIDI NA MOLA WAKE .4

Mtume Muhammad (s.a.w.w) amefikia cheo ambacho hakuna Mtume yoyote miongoni mwa
Mitume ya Mwenyeezi Mungu aliyekifikia cheo hicho, wala hakuna Malaika yoyote miongoni
mwa Malaika watukufu wa Mwenyeezi Mungu aliyeweza kukifikia cheo hicho, cheo hicho
.alichokifikia (s.a.w.w) ni kuwa Yeye yuko karibu sana na Mwenyeezi Mungu

Mtume (s.a.w.w)amekifikia cheo hicho kwa sababu anastahiki kuwa nacho, kiasi ya kwamba
-:anaweza kuona upeo wa mbingu iliyo juu kabisa,kama tunavyosoma ndani ya Qur-ani

وَهُوَ بِالْأُفُقِ الْأَعْلَى[3]

.Naye yuko juu kabisa upeo wa macho

Utukufu wa moyo alionao Mtume Muhammad (s.a.w.w) umeleta athari kiasi ya kwamba
amestahiki kupewa cheo hicho cha kuwa karibu zaidi na Mola wake, cheo ambacho - hata
Malaika hawakunuaifaika kuwa nacho – na kimemfanya Yeye (Mtume s.a.w.w) baadhi ya
wakati anufaike kupokea Wahyi kutoka kwa Mola wake bila ya kupitia Malaika. Kama
-:tunavyosoma ndani ya qur-ani

ثُمَّ دَنَا فَتَدَلَّى. فَكَانَ قَابَ قَوْسَيْنِ أَوْ أَدْنَى. فَأَوْحَىٰ إِلَىٰ عَبْدِهِ مَا أَوْحَىٰ[4]

.Kisha akakaribia na akateremka

.Akawa ni kama baina ya mipinde miwili, au karibu zaidi

.Akamfunulia mja wake (Mwenyezi Mungu) alichomo mfunulia

Aya hiyo inaonesha kuwa Mwenyezi Mungu alimpa Mtume wake Wahyi kwa sababu yeye
.ndiye anayestahiki kupewa

Vile vile ni lazima tuelewe kwamba Mwenyezi Mungu ana uwezo wa kufanya kila analolitaka,
na pale tuliposema kuwa Mtume Muhammad (s.a.w.w) ana upeo wa kuona mbingu ya juu
kabisa, tuisahau kuwa utukufu wake huo pia unatokana na kudra na uwezo wake Allah (s.w).
Kama alivyoonesha uwezo wake pale alipokihamisha kiti cha ufalme cha Malkia Saba kutoka
Yemen hadi Palestina kwa muda wa kufumba macho na kufumbua, na kudra yake hiyo
-:aliifanya kupitia katika mmoja wa viumbe vyake. Hebu zingatia Aya hii ya Qur-ani inavyosema

قَالَ الَّذِي عِنْدَهُ عِلْمٌ مِّنَ الْكِتَابِ أَنَا آتِيكَ بِهِ قَبْلَ أَن يَرْتَدَّ إِلَيْكَ طَرْفُكَ فَلَمَّا رَآهُ مُسْتَقِرًّا عِنْدَهُ قَالَ هَذَا مِن فَضْلِ رَبِّي
لِيَبْلُوَنِي أَأَشْكُرُ أَمْ أَكْفُرُ وَمَن شَكَرَ فَإِنَّمَا يَشْكُرُ لِنَفْسِهِ وَمَن كَفَرَ فَإِنَّ رَبِّي غَنِيٌّ كَرِيمٌ[5]

Akasema mwenye ilimu ya Kitabu: Mimi nitakuletea kabla ya kupepesa jicho lako. Basi alipo
kiona kimewekwa mbele yake, akasema: Haya ni katika fadhila zake Mola wangu Mlezi, ili
anijaribu nitashukuru au nitakufuru. Na mwenye kushukuru, kwa hakika, anashukuru kwa
.manufaa ya nafsi yake; na anaye kufuru, kwa hakika Mola wangu Mlezi ni Mkwasi na Karimu

Vile vile ni lazima tufahamu kuwa, tukisema kwamba Mtume Muhammad (s.a.w.w) ana upeo wa kuona mbingu sio kwamba Yeye ametoka katika ulimwengu wa kimada bali Yeye amefikia katika cheo hicho kwa sababu ya moyo wake uliotakasika na ndio akawa yuko karibu zaidi na
-:(Mwenyeezi Mungu, kama anavyosema Allah (s.w

مَا كَذَّبَ الْفُؤَادُ مَا رَأَى [6]

.Moyo haukusema uwongo uliyo yaona

Surat Ahzaab Aya ya 40 [1]

Surat- Tawba Aya ya 33 [2]

Surat Najm Aya ya 7 [3]

Surat Najm Aya ya 8-10 [4]

Surat Naml Aya ya 40 [5]

Surat Najmi Aya ya 11 [6]

MWISHO